



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七 一八

王孟調明經西臯草一卷 王星誠撰

一

御製詩集八卷御製文集二卷 愛新覺羅奕訢撰

一五

仲實類稿一卷仲實詩存二卷 魯黃撰

一二三

俟齋詩草一卷俟齋試帖一卷附夏庚復揖青閣遺詩一卷 夏同善撰

一七七

守默齋詩稿一卷守默齋雜著三卷 何應祺撰

一九五

蘇鄰遺詩二卷 李鴻裔撰

三二七

蘇鄰遺詩續集一卷 李鴻裔撰

三五九

藏修齋詩稿四卷 愛新覺羅奕訢撰

三六九

澧西草堂集八卷附錄一卷 柏景偉撰

四二一

馬中丞遺集十二卷（奏稟四卷珠溪存稟一卷文集一卷書牘二卷雜箸

一卷解州清丈地糧圖說一卷章程二卷）首一卷 馬丕瑤撰

五八一



孟調王氏名星誠浙江山陰人幼有異才未冠補博士弟子旋以家貧遊河南北爲書記咸豐己未來赴京北試試畢病榜發中副車越日卒年二十有九其友李蕓客民部發其篋得殘草如千首手錄存之其全稿不可得或曰在大梁董氏顧不能致也余未識孟調因陳生珊士得交于蕓客耳孟調名讀其遺集想見其人恐日久散失爲梓以傳於戲吳越之間面斗負溟魁艾俊姝接趾多有其枕馘于巖壑而名汶汶者亦不知其凡幾孟調所傳雖僅此以視白雲幽幽蟬吟螻弔者不以優乎吳縣潘祖蔭識

清代詩文集彙編

王孟調明經西臯草

丙辰人日同人雪宴芝村寓園送周叔子

星譽入

都

江村十里風雪昏春船燈火催送人散裘上座半酒客
各有萬感叢一身越山蒼蒼鬱清氣前輩風流久凋敝
瀝堂主人真好事獨以清文洗寒鄙曲江一醉宮花新
翻然歸臥南湖春著書自足娛老母乞米不肯聞比鄰
素筆濁酒選佳勝睥睨名流足豪橫同時係李亦詩傑
謂退宜 趙錫 折軸汗駒不能駢側身類瞰橫流高洪鐘所應
無聲整抗懷已覺古人少入俗未免羣兒逃何況烽烟

迫飢凍極目關河託哀諷蒼生會待斯人蘇文章豈直
名山重嗟余落拓輕故鄉行且短劍走大梁君今幸假
尺寸柄正與天驥資騰驤願君功名蓋當世肘下黃金
眼中事十年種學道在茲毋爲區區昌其詩

璚宮秋扇曲

銅仙卻露流珠曉夢狎瓊人泥蘭笑翳幃生綠侵繡檀
粟粟銅蟲燭房怕珍珠絡帳牽帖犀鉤羅茜捻溫纖美
腰襦尺六結梔子墨花卷空湘雨啼鏡屨雙鸞展瑤訊
泥金小卓青芙蓉鬢雲膩押象牙梳顛起釵茸咽春韻
水奩涼雪研指星睡蛾眉葉江藤青花題小印約妃翠

嬌樹一枝搖水晶綃宮青人叩箱玉紫海圓波染成綠
纈雲淺摺棲桂塵凍死鴛鴦三十六麝姬選帳銀荷涼
素烟亭亭來練香葱珮微怯怯蓮液璇房避幸題粉藹
阿郎艷詞掩妝夕捉搦紅心臂紗窄蕉魂桂魄不長圓
吹樹團香抱孤月燕支瑤甃生夕波抹麗風軟愁虹拖
涼簪敲竹曼珧踟躕簇簾瘦瘠瑤瑤螢火多早紅梅雨丁星墜
縹作冰絲藕腸脆嬌痕點點沾髓珊廿四蒲萄泣遙吹
綺疏隔霧調雌絃玫瑰七柱琅霞妍玉晨半豎寫秋恨
蘭麝不到緋羅天綠綈冷搢鵝梨澀枿髮何因織鸞翼
子夜香臺迴燭龍花宮無限相思碧

龍山道士法場歌

紅螺吹月夜霧開龍山道士朝天回銀幡金笈蕭鸞隊
神仙恍惚空中來笙匏鏗鏘雜金石羣真叫噉玉靈籙
紙灰卷空吹復低冰花綵繚口法衣夜夜深上座展瓊秘
畫燭屏風笑聲閑

臨平

上河新雨上蘆鳧小墅春烟叫鷓鴣莫向睡虹橋上望
好山青處是西湖

杭州北閩外泊舟

小市午時開春帘勸客船城陰連野竹江色上晴天別

意浮梁迥羈愁短驛先越山渾不隔祇是莽寒烟

道傍見春柳漸長

千絲膩綠不勝梳臥水眠沙態有餘好似離盤新覆額

亭亭曼曼十三餘

道中雜詩

蒲帆影裏白蘋香一味思家夜易長耐耐虎邱花舫子

六更絃索做淒涼

春半荒村尙試燈春詞踏臂月三更孤帆已是淒涼甚

禁得吳娘簾箔聲

大堤登遠書感

三

萬里新寒接塞陰平沙盡處見明星漁燈涼孕鷓鴣碧

馬骨秋圍首蓓青故絮壓肩風更入短靴扶力酒初醒

窮途感觸眞無謂終古河流去不局

傷都督向公

夜帳星辰隕東南哭素旂出身經百戰授鉞感衰年聞

道樓船返翻愁鉄甕堅壺頭師未捷悵悵馬文淵

奉侍叔父中丞公持節巡河馬上口號

滾滾長河繞節樓趨陪旌仗得閒遊清門子弟關人事

亂世文章畏濁流瘳馬嘶寒先報曙餘梁閣雨不能秋

瘡痍滿眼誰應起枉費儒巾發古愁

枕上聞車鈴聲

淒風高館夜聞鈴單枕惺忪別緒生憶得年時妝鏡側

兩三簷馬打簾聲

過鞏縣杜子美故里

生未入蜀浮三湘十年哦詩筆力偃短鞭瘳馬今日始

來經鞏洛公故鄉鞏當千山萬山秀俯瞰大河低可肘

洞房土室迥清奇居者直疑皇古壽公胡年少輕此邱

荆棘萬里貪豪遊一官間道奔行在九死餘生哀暮秋

可憐數年住同谷拾橡採杞日不足醉中罵坐豈初心

祇以長歌當號哭當筵倘遂持虎鬚或者成都萬姓焦

四

勞蘇老嫗何物強解事扁舟一夜歸江湖西風勞勞鬱

林道舊夢溪堂無復到自古詩人厄命多當時幕府憐

才少獨將幽憤過一生耳聞克捷心猶驚兵戈未息公

已沒蠻烟瘴雨魂難甯呼嗟天子蒙塵臣客死臣有詩

歌見臣志直是離騷一片心恨魄相望隔秋水我詩未

工身已窮時非天寶憂則同沅沅黃流美人杳思在洞

庭湘水東

洛川道中

一別青山條半年詩情畫意忽爭妍此間大有江鄉思

祇欠滄浪著釣船

一川新水拖藍嫩十里平林淺綠殷好似故人團扇畫
祇疑歸夢到柯山

越楊子嘗有柯山紅樹
畫扇光景絕似此間

曉晴走馬河陽道中

世里郊原結隊行眼中風物媚新晴平巒過雨青歸樹
寒草拖烟綠上城隔水稻香禽語妥當風人影馬蹄輕
天涯但得長如此便倚鞭絲過一生

大河南北郡縣多
被蝗而河陽獨無

五

稷事方盛可以
知長官之賢矣

孟縣謁漢漢壽亭侯墓

百戰纔分鼎吞吳恨未銷讀書知國賊愛士過羣僚所
向無中夏爲靈壯 本朝至今尊奉意宮闕悶蕭寥
與汪墩少尉李嘉時貳尹約遊龍門伊闕阻雨不
果東汪墩

昔者李客過汴河訪我來堅看山約風塵骯髒行路難
昨者鞭絲指伊雒入門下馬逢汪倫器宇不數瑤瑤現
語言豪氣震屋瓦爲我歷歷談龍門自云游跡經再宿
摩崖題詩遍山谷浩歌平納四山秋雪老雲頑動心目

斷冰十丈絡繹藤危石孤穿吐神木逶迤百級叩樵徑
翠磴盤空互紆曲賓陽名路險境尤關附棘攀松敝僮
僕洞中古佛一萬尊大者如山小如聚鬼工盤盤無俗
痕醜入鬚眉道心足潛幽簡隱相最眞百怪千獮後難
續山心佛性兩有會斗覺神氣燭穢濁身輕蹻捷凌絕
頂夜聽痴蚪抱烟哭天明散髮下雙闕至今體健頭不
冰我聞此語神觀馳汪生汪生眞導師相逢定欲把君
臂此間何可無吾詩回頭更呼李客坐看取名山終屬
我亟脂我車芻我馬飽飯黃昏掩齋臥不知天公所妬
人好奇人意欲速天能稽老晴十日忽狂雨一夜滂沱
三尺泥洛水湛湛那得渡上山泥滑難容步山鬼虛含
翡翠愁水仙不喜瑤瑤賦仰視大野天沈沈西風吹雨
沾我襟豈是幽靈厭塵俗不容半日汗山林廿年會稽
禹王穴剔薶尋碑犯風雪此生早與山有素肯令當前
歎遼絕對客長歌行自哀中年腰腳漸衰頽天涯馬足
甯知路何日擔糧決計歸

六

三山

安坐四月餘漸苦骨節死竭來侍旌從勞最復當治河
津軌途息厓側馬足始入山方苗縮下阪忽弩駛谷暄
被晨衣巖果悅塵齒松樾森四壁嵐光照人紫百轉無

一同峰峰出奇恣局束緣蛇徑陰風冷激矢行人互高
下在後失前趾尋聲諦言說索景昧往跡讓道喜近古
叱馭慚未仕獨愛巖左村蓬茅契幽貞窟室樹作門低
泉馬擔水木棉交小麥耕織都有恃吾心苟志隱勝境
卽在是惜哉靈府液重爲利名糞山居靜氣多境外人
事起白雲自留客投鞭已城市

首陽驛

至性不可斂秋風微蕨新空山窮餓日垂老弟兄身直
諫存吾道陰符惜故人子方懷仲氏何以弔遺民

緱山

七

立馬緱山晚照昏諸天笙鶴杳無存披榛獨下荒祠拜
我是仙人百葉孫

大風孟津渡河

對酒復當歌西風卷大河浪頭爭岸上蓬背得秋多一
雨水聲濶千山馬影過敢云豪意盡古井有時波

河朔

斷蓬荒蹊耐客尋草長石瘦少人行牽蘿埽碣雨浮字
踏葉下山霜有聲世味劣如村酒薄詩懷莽似野蘆生
也知此念終無託每到深秋百感并

孟縣阻雨

漲霧浮烟舉眼愁寥寥虛館怕淹留山城木葉敲殘夢
夜雨河聲入暮秋庾信早成枯樹賦阮咸空預竹林遊
可憐半日迷轍繼輶然桑邊病牯牛

客有詢鑑南春事之勝者長句畲之

二月南塘鏡樣圓水容山態儘人憐一湖魚氣白浮樹
千戶筍租青上船酒慢煖陰楊柳海錫簫寒食鷓鴣天
年時半幅鷗邊席高帳單裙望若仙

曉晴散步

一宵苦雨過殘醉破曉新晴得放閒敗葉春秋還著樹
溼雲爭旭漸離山無端眼淚狂難蓄太寥詩心愛未刪

八

莫道獨吟餘獨賞路旁渾已笑癡頑

陳珊士庶常

登第假歸間道出大梁過訪席

上送別

讀書廿年爭此日射策金門未三十西風千里錦袍秋
獻壽高堂健猶昔悲君少孤奉母居糠燈羅屋傳遺書
春官數謁良苦別賴有燕婉能娛姑三日芙蓉鏡中曉
看君親製泥金報上有百拜加餐飯下言兒貴歸來早
藍子花落槐花黃摩訶一曲冰絲涼衫巾連臂踏春月
毳仗扶頭過夕陽花光上酒春心熱爛醉直須三萬日
平生一試丈夫豪亂世可憐名士拙長年冷粥山厨寒

一朝意氣教人看文章有用甯獨是富貴逼人如此難
我從別君向西走已分雲泥終古割不道天涯落葉堆
尙有今宵一尊酒老母倚戶妻停機行矣馬蹄無再遲
臥龍山北早梅發堂上康強報我知

重九日與中表陶森貳尹登大堤眺遠

天末作重九擔花及訪陶嶽雲盤大野河影落秋壕露
犬爭寒吹霜鴻磔凍毛無嫌風景惡有酒尙能豪

自輯數年來所作小卷題句其上

擁褐磨磚歲月窮牢騷風雨伴秋蟲讀書太少才難傑
感事方多悟易通未欲嗜奇終苦寂敢因諧俗遽求工

九

相思欲寄盟渥社多恐詩歌近更雄

雜憶

素月銀霞淡處工蘭芽生小不禁風繡雲山下楊花老
零落東州盛小叢

冬郎慣賦悽儂歌梅尉詞邊酒債多記得春船扶醉別

一燈花雨渡曹娥

竹粉蘊絲二月天真娘墳上草如烟思量何事干卿處

腸斷楊娃未嫁年

四垂羅帳掩春愁美玉從來出世羞略記年時修笛處

柳絲前面小紅樓

月子新詞半格傳娥娥爭唱想夫憐江湖十載填詞筆
斷句飄零到酒邊

題姚近韓觀察愛怖圖

地故綸

觀察自言前身爲潤州蓮
性庵僧幼年夢中時遊其

琴女餅花任自過定中眞力走天魔卽令小搗兵刀苦

願爲蒼生掌一摩

法喜吹成出世曲莊嚴看作淨名經茫茫廿六年前事

我亦焦山退院僧

誠墮地時先君子曾夢焦山
退院僧某來謁寤而生誠

不寐學東野體

擁褐中有臥惺惺斷夢痕鈍驢齧樹動飢鼠踴燈翻道

十

氣扶秋傲禪心拓夜昏蕭寥聞雁後此意共誰論

冬夜孤坐憶陳延年

自憐枯影見孤棲坐守爐灰剩欲冰酒外薄寒棲畫簾
梅邊殘雪款詩燈天侵歲暮艱爲客人到中年靜愛僧

卻憶擁裘過夜永愛問惟有季方能

中和節同 陳延年延益

黃廷贊別駕試

馬東郊至張家園林二首

勝序偕幽好餘情不可羈客中間日少貧裏酒名低落

日雅爭樹荒村犬候扉似聞過小劫風物近淒迷

調鶴留茅徑延鴻敞水廊蘚陰藏畫佛花氣閉虛堂話

喜村儒拙茶分灌叟忙下堦還悵立人境正蒼茫

後六日再同延年延益陶森遊孝嚴寺

並馬荒城曲沙陰路不塵地偏多日永寺寂見時貧倦

鵲從僧夕房柯待雨春故人虞殞處捫腹一傷神憶去年送

與沉通判續會一至寺撫今懷昔默然久之

聞江南軍聲大捷喜而不寐作此四首

夜火落星旄江聲走賊壕力窮名將出恩重戰功高酒

漚何奴血花明日本刀 九重深望捷庶以慰憂勞

反正亦何害雲臺畫李忠酸辛謝妻子慷慨赴奇功屬

國尊都護殊恩拜總戎亟須嚴賞罰東國酒漿空

十一

揮淚喜心極浮生意氣增將軍新受命小寇爾何能飛

檄滿淮浦連兵下秣陵商量江路近歸計詎無憑

廢壘黃山暮寒烽赤壁秋瘴深宛馬死幕冷楚烏愁及

此收天險猶能剪國仇無爲效楊僕頭白始封侯

山居秋思圖爲友人題

六月火雲蒸大河埋頭喘汗卷如螺故人示我一尺畫

滿紙但覺秋風多念汝江南舊名族蒔溪藏書上連屋

家餘五畝種花田天與十年讀書福自從隨宦來大梁

天馬苦被凡塵纏夢中千里劍池月舉眼影落長河黃

天生大才必軒舉不見寒宵飢啖芋從來吾道薄文章

豈獨狂歌動風雨麥場牛角猶著書誰謂至業須田居

知汝素心託山水不肯愁棄先人廬我家竹堂臥龍北

破筒窮蘊黯無色蕭寥猿鶴怨離人席帽天涯歸未得

安得名成共遂初卻從越絕下姑蘇相逢一笑頭如雪

更畫名山老友圖

呈周容齋丈

弧南一星光北辰左倚蒼玉昂蚪身黃河下天斗牛側

一笑獨遣人間春 朝廷夙聞郭有道苦戀詩書致身

早文章已看解鳥尊光采猶矜鳳皇老皮膚凍作乾梨

紅小兒飲啖無如公暮年精意託毫末磨頭澣水爲英

十二

雄五十年中學書力生氣不受十指抑惟將寥落契道

心風雨高天叩新得知君爲人觀君書謹嚴簡貴今所

無羽衣仙官肅環珮叩齒下走通天狐河南褚公最簡

妙煤尾蛛絲得者少涖翁學褚亦凡骨仰嗅餘香還妖

好君書瘳硬乃見眞要人紙背窺精神卽今京師鉅公

盡傾倒輒生何物能礙倫昨日新晴好春旭爲君手注

蒲萄綠先輩高談久不耳直當循疏古書讀君不見城

中貴游日高車僂薄紛紛無與徒安得江東比鄰住長

願命作磨墨奴

春分後二日陪諸貴客登吹臺用李獻吉登繁臺

韻

旅情荒落掩蒿萊強逐豪遊上吹臺盜賊積年春事晚
河山無際亂愁來蕪城過馬塵邇上花墅無人雨自開
薄酒不堪懷麥杜高歌青眼有餘哀

送客歸山

三月夷門雪黃河凍不流看君驅瘞馬破帽下徐州酒

三

冽楊梅紫田收橡栗秋終年玩雪氣世事此悠悠

丁巳除夕泌陽縣齋守歲

舊年曹縣臘今歲舞陰春遠道窮難擇中年感漸眞安
危偏視賊意氣失依人鬱鬱終何極時艱惜此身

懷人詩

當代張威伯輪囷表歲寒和平得友廣貧賤著書難短
髮年年白清詩字字安麻衣墓旁淚今日儻應乾

孫垓秀才

四子微言在今看氣象新高歌長展俗元論肯窮人老
友知心淚空齋臥病身幹南花樹發不見兩年春

陳澗

孝廉

落落稱通隱城南第幾人糊頤悲母老捉鼻受妻嗔舊
約禽慶在長年馬肆貧向來飛動意應恨鬢毛新

魯變元秀才

相如好詞賦辛苦得賞郎綸布衣初緣官錢酒不黃詩
成必橫絕貧裏獨軒昂幸謝他途進于今脫盤傷

周光祖戶部

雲阿老從事五載臥旌旄豪健依人拙文章覩食勞骨
奇知愛馬淚熱欲磨刀何日手文露因成長揖高

周灝孫大令

戊午元日書懷

古

爾足天涯又一年壯懷鄉思雨茫茫無多好尙猶妨俗
有數才名莫問天得意幾曾關馬足寘身空欲競難先
誰能久事官傭筆坐使窮途羨介鷗

伏晚雨歇書齋甚涼讀書久之起步屋後小池看
月二首

索妙匪自遠多悅趣斯迫高軒微雨過新爽及裾領攤
書坐忘劬展簾臥猶靳獨賞未形寂思與孤月靚夜抱
豁疏葛吟味入苦茗琴上秋氣早爐中香意靜逸茲近
取勝俗遺予所景此間但是家所好或愈永貧來有知

足當歡每深省曉言懷征人馳驅正傳警

夜中露愈下冷風載其清餘素曠難盡行眺池月晴星
晨浸寒碧迴照牆陰明樓臺不可色淡與烟靄平尺水
知有魚跳沫微聞聲瑩然一泓雨迢爾百體輕窺影得
兩我眞覺寂不生豈無廣川富多好妨專情何如舉眼
處遠想江湖并持此叩秋夢了了證涼盟

子夜歌

顏色博人歡恩誼那不乖上床是鄉里下床是天涯

湘夫人歌

秋雨江湖帝鄉隔湘竹叢叢楚天色朝雲一角靈旗風

五

山鬼伶俜蹋空碧冰絲五十湖南歌刺船欲往愁橫波
山中桂樹晚花落烟外月明何處多

壽俞菴園書記四十

神馬達千里及半不汗足人生至四十流品定賢俗俞
入精勤迴無匹少小奇窮借書讀十年挾策走河洛苦
志居然富收蓄文章得力聞識多就中尤勝推詩歌骨
幹開張氣渾古格律嚴正心平和吾鄉能者數漚漫東周
越李未知角勝當如何我從辭家久無和迂拙常受人
譙詞類流抱柱勢日進議論遑敢專從苛豈知兩奇合
一耦與君意見同曰科君如古柯苦無色我若折枝尤

少力小技終爲壯夫笑時事甯無布衣責君年方強學
且成况復佐幕知刑名杜陵避地蜀州富韓子從事淮
西平歌成豈但抒感喟要在著述關民生北風蕭蕭晚
吹雪樽酒荒燈共斯夕英雄敢信君與我不朽誰云今
異昔願君少除案牘苦手爲人間定詩律百年尙有一
甲子努力讀書完至業

汝墳道中

日暮胡笳急寒郊白骨多壞雲圍大野戰氣接三河荒
戍知誰在浮生奈汝何青袍塵土滿揮涕賊中過

賒旗店

六

荒鷄喔喔鳴客子作晡食驅車入寒樵村落慘無色廢
肆渺完舍瓦石紛揭礫焦土漸成軌已復長荆棘叩門
索旅飯傭保走逃賊道逢擁衲翁相將土鏗側無人念
翁老來往頗躑躑腐頭呼老嫗燧火久始得兒幼隨嫗
至見客顏貌憎老嫗踉蹌薦老翁行煮麥再三謝粗糲
春耕廢廣陌兒郎應團兵老人苦無力太息甲丙來荒
亂少甯息就如門前路百年聚都邑六月燒東村糜爛
及魂魄炊爨二千屋搖落不滿百屋中無丁壯丁壯均
被役稍稍逮細弱雞豚等驅迫所餘眼中在後死終一
轍日暮風蕭條天陰夜寥寂飢魂與徹鬼鳴咽啼向壁

少長 高宗朝鋒鏑目未識艱難及星鬢蒙此長命
甌我來兵火地悲慘已淒惻又聞老翁語淚落更填臆
揮杯勸之醉舉醕有餘渴破涕重改辭雀躍棄杖策戎
我行勿畱少留賊將出流離愧高意浩歌以爲別嗟彼
衰朽年吾生復何極

南道

大冬二日風怒號排牆倒樹狂如潮乾坤晦黯失真相
我發南道當斯朝黃沙之中別親舊握手不辨言嘈囂
引衣蒙頭出門去四顧淅瀝心煩切行路艱難易短氣
得勢惟有塵壒高眼中萬景會真託身世百感悲兵燹

七

卽今南方苦羣盜妖腰亂領填四郊旄頭火光照千里
指顧村落來灰焦縣官口口保境內將軍總統翠尾貂
黃金斗大亦何事天弧一星騎招搖蒙古兒郎好眉骨
安得躍馬從而曹左手雕弓大羽箭右手七寶千牛刀
三十六人擁馬後殺氣所向窮奔逃人生有此亦足豪
世間儒術輕於毛可惜三尺不我操慨髀塵骨埋青袍
幕僚上坐飽一粟議論以外無功勞吁嗟從軍所貴惟
殺賊萬里何能惜離別仲宣登樓空復悲漢家黃巾滿
梁益輪蹄無謂年復年散髮風前長太息

七陵

洛水湛湛晚欲激虎牢秋色尙峻嶒年前一剎冬青淚
又整殘衫過七陵

邯鄲旅店

滿衣塵土晚停車洗腳升堂一盃茶自檢松條蒸粟飯
不知清夢落天涯

贈登封王丹麓縣令並東洛下汪東初

伯樂一顧萬馬暗鹽車骭髀乃有眞卽看俗吏浩如海
我能於畫深知君吾家山水維與宰本朝奕奕尤有人
麓臺荆川太幅強後來幾輩傳芳芬畫山所貴得山性
必有身造方能神聞君放衙對二室床屋未屑收凡雲

大

觀香積翠牛奴走天風王女來比鄰癰龍顯顯踞其肘
下筆甯顧造化嘖吾家禹穴頗神秀十年跼脚陵秋雲
石氣到骨心計拙山風吹衣皮膚皴出門短策走汴泗
披髮仰笑誰將倫中朝人物過江盡韓陵片石今無存
山河汚濁誓一洗小夫摘舌疑金根黃沙茫茫眼晴死
猶能爲子開浮塵丹青雖好亦小技願君手挽蒼生春
墨池涓滴瀟森雨壽民當與名山均乾坤清氣本吾有
毋廁齷齪凡兒羣此意人間會者尠爲誠問訊窮汪倫

自題畫二首

細檢涼秋廢老葵菊花宜粉黛宜糟西風一夕將霜至

東浦航船酒價高

故屋西頭枕若耶
當門一樹密梅花
何年得向傳燈院
更乞山僧夜煮茶

補錄四首

甲寅秋初自姚江歸東季貺並寄純客

昨從李白來爲言
山居日臥病剛兩旬
讀書已一尺其時
春莫我暫歸花落雲深望難即
多君屢問元宴苦慙
子未歛崔儻室出門莽莽江流渾
春寒筌案衙齋昏遠
聞故人半羸臥我亦布被呻
羈魂十年苦學饑寒力鬼
妬難平例灾疾一身百緯已莫補
滿地干戈更何術秋

元

風半騷哦楚辭願君強起張羸師
山河枯燥奇見骨世事
鬱佛形爲詩蘿菴詩人病不死
吾道堪行卜於此會
須同上又魚船來向斜陽話烟水
蘿客今春以病居柯山蘿菴時予旋里數日即行未及至山中也今予病歸純客已還郡城故云

蕭山寄懷李大越縷

慈銘

忽忽已成三月別
故人道爾苦吟詩
傷時涕淚狂猶昔
倚樹光陰病倘支
下瀝有田供著述
上春多雨足相思
商量載酒湖南路
擘脯彈箏定幾時

夜與東鵬論文聯句用韓孟同宿聯句韻

孤生叢飢寒未處謝謗譖
分風禽拙嬉敖淵魚悅沈浸

味道匪擇腴飲俗况中鳴
芬野趣敦微行癯情慳累

枕
誠迹迂世所省性嬾天亦任
芬癖古甘墨肅瘖中觸

酒禁
誠於花借初韶斥葉戀餘蔭
芬澄宇衆曜翕凍野

百吹吟
誠暉燈怯霜威疣琴想雨識
芬種學言方莢蒼

隱志已賃
誠識洞金石敝語烈水雪滲
芬交鉤競創獲

猶驥汗赴飲
誠淬鋒刊枝詞猶日破氛祲
芬崎論耦兩

奇塵縛脫一闌
誠名繼媿獨躋學縷喜共沁
芬物妙鏤

蟻蛟天心藁龔暗
誠及爾勤著書至業出耕紆
芬

冬日泊雨西鳧山下再疊前韻寄越縷

萬木喧高秋一雨返其嘿
接葉屯來雲霜華閃寒色山

子

意在混茫烟靄匪所惜
謾風吹暝沈沈晦疑夕渾沌
入奇想幽渺拓近識石氣冷上
衣陰厓動魂魄獨憐造
物窮百想創一得元氣不忍敝
艱難起枯寂荒寒使之
悲流光乃成別舒慘豈有常
寄妙偶遺跡孤夢不可餉
茲賞定予納造景得所悟元
情待君說

增詞

望江南

念西鳧山居作也

山居好十里鏡湖南
鴛鴦塢脂雲植舊竈
岳山飛雨落虛潭
餘翠掩松杉

山居好門外野梅春
縛篋讓根流水路
折枝橫髻過年

人香意隔溪新

山居好寒雨破春烟百道溪喧魚網重一犁泥滑燕翎偏贏得酒杯閒

山居好風景晚春天花裏夕陽西子社柳邊涼遂上河船嬌煞小青帘

山居好兒女慣蠶忙束筍工夫才入市焙茶天氣又分綱還待翦春桑

山居好時節又梅黃醉覲解談鍾進士水村多唱蔡中郎蹋月下前岡

山居好縛箇小茅亭簾几教安多竹處亭衫來臥古松

陰汲水浸雲根

山居好涼月夢同時自捉書燈尋蟋蟀偶攜漁艇訪鷗鷺

山居好清話夜初長芋白栗黃山酒熟藕絲菱角月臺涼風逗竹釵香

山居好斗米納新租破甌香紅炊晚稻壓船殘綠賣秋蘇生計不曾疎

山居好木落小樓高涼思著衣琴語歇烟情如水書禪遙風雨更蕭蕭

山居好新醪酒香微暖窗花如嬌女瘦春盤橘似粉奴

肥燒葉閉寒扉

山居好深雪訪精廬斷竹聲中孤鶴醒蜜梅香裏一僧癯借讀寺樓書

山居好幾處負暄同矮屋書聲開小學地爐閒話就村翁餘味耐冬烘

山居好新麻報宜春花勝看粘蓬戶小松明自撥粃盆勻又過一年貧

山居好幽賞四時宜畧比神仙多眷屬便忘年代也期願因甚判輕離

醜奴兒

冬聞

蜜梅花外天將雪剗襖黃昏人似鍾熏祇得春情一晌溫

寒宵偏是無心曙半睡還醒暗淚無痕涼做線綾一角冰

四和香

夏日雨後

準擬輕紗籠薄暑忽做纖纖雨雨後隔牆聞笑語夜來秋幾許

一樹嫩陰無著處燕子涼邊絮簾靜不教香散去點書閒過午

霜葉飛

書感有寄

江淮楚豫干戈地疲驢何日歸去連營燈火笛聲中千里關山雨寫尺素留君且住黃河木落秋聲苦來共此

寫酸脫帽向楓天唱我一秋詩句 何況慘綠西風艱
難行李早霜晚雪欺汝江東無我誰能酒更恐歸無主
好珍重萍絲柳絮牛毛富貴曾何與常侍貂儀同狗落
日愁邊乾坤如許

月華清 冬夜宿河上金司馬水亭

一桁涼陰半橋初月好箇水邊亭子誰判到今宵著個
練裙秋思擡眼處暗柳冥濛料有夢和烟渡水無睡聽
西風打屋楞楞窗紙 更倚危闌遙睇憐十畝冷香荷
柄都死野葑平窪人道黃巾曾至費幾許小刼魚龍竿
做得夜涼如此空付與荒城殘角訴當年事

卜算子 秋閨

墜葉打簾衣閃得秋燈碧寂寂房櫳小膽寒斷雁來時
節 薄倦反惺忪錯怨羅衾窄孤負西風度玉門有夢
來今夕

蝶戀花

蓬山只在傷春處不隔天涯但隔梨花雨多分日長無
意緒紅樓一角斜陽暮 今日鞭絲慵再駐簾底分明
強道恩恩去擡眼畫橋楊柳樹年時拍扇兜香絮

摸魚兒 戲柬陳菊莊別駕

餓書生但求飽耳其他非所知也相逢小恣屠門嚼食

肉健猶如昨 叶 君莫詫君不見杜陵醉苑牛心炙酒杯
誰借賸飽喜飢噴貪眠白地橫被灌夫罵 笑公等坐
享太官厨者安知大庇天下饑來何不餐乾腊幾輩傷
心此語君解麼便麥飯荒涼也待春衣貫等閒腰脾算
不若從今一肩破褐同唱寶坊化

百字令 六月晦日至黑埕金司馬聽事觀荷

平隄廿四暫偷閒存訪菰烟蔭雨秋近水鄉纔幾日涼
得晚荷如許露暈疎紅風搖亂碧花氣惜惜午葛衫人
影鷺絲來共秋語 休問環珮當年畫船吹笛寂寞橫
塘路一屋冷香團作暝簾幙悄無人住斫藕論錢拘蓮

金縷曲 薄遊宛南感賦

又踏黃塵去笑年年馬蹄無賴苦禁人住三十許人成
底事孤負麻鞋肘露算有甚此中佳處局促諸侯賓客
坐詎隨緣粥飯堪終古南國恨况兵火 江城水落書
歸否倘傳聞平林盜賊應愁慈母小屋梅花茅店月殘
夢一般淒楚更休道青衫遲暮兒未成名親漸老便眼
前菽水何時補祇贏得一千路

重

大江東去

東珊士

別來如昨只天涯添得西風人瘦綸布衣裙難入俗觸
地柴荆三斗雞肋文章鴻毛富貴幾輩堪備走干卿何
事醉中淚搵衫袖 留得寸許毛錐笑天甯管汝雞先
牛後算有殘杯還屬我僕射何如飲酒可意紅心無端
白眼一味難消受長河北去世情今日知否